

Ekspo usahawan jadi platform komersial produk

Seberang Perai: Sebanyak lima kumpulan pelajar Politeknik Seberang Perai (PSP) menyertai Ekspo Usahawan Bumiputera Pulau Pinang (PenBex) di Tasek Gelugor, Pulau Pinang; baru-baru ini dengan mengetengahkan pelbagai produk inovasi dan rancangan perniagaan.

Kumpulan Qalis Frozen Food menawarkan produk makanan sejuk beku iaitu Qalis Ayam Percik dan Qalis Ayam Teriyaki sementara kumpulan Yummy Pastry Enterprise memperkenalkan produk makanan segera

berasaskan roti, sosej dan ketam dengan perasa keju dan lada hitam.

Produk untuk bayi dan ibu mengandung berasaskan herba yang didatangkan dalam pelbagai corak dan warna menarik termasuk bantal karipap, bengkung, tuam bayi, barut, bedung biasa, bedung zip, bedung zip berhud, sarung bantal dan tilam bayi pula diketengahkan kumpulan Untong Kelasik Enterprise.

Sementara itu, dua lagi kumpulan usahawan muda mempromosikan produk ke-

luaran tempatan iaitu Qaseh Gold dan Honey Three.

Bimbingan pensyarah

Yummy Pastry Enterprise turut berjaya menarik minat juri untuk menobatkan mereka sebagai juara Pertandingan Rancangan Perniagaan diikuti kumpulan Untong Klasik Enterprise dan Qaseh Gold Enterprise, masing-masing di tempat kedua dan ketiga.

Semua usahawan muda terbabit mendapat bimbingan dan tunjuk ajar daripada pensyarah Jabatan Per-



Pelajar PSP mempromosi produk masing-masing ketika menyertai **Ekspo Usahawan Bumiputera Pulau Pinang** di Tasek Gelugor, Pulau Pinang; baru-baru ini.

dagangan PSP dalam membina dan mengkomersialkan produk mereka.

Pengalaman berniaga seawal jam 10 pagi hingga 11 malam sepanjang sembilan

hari menyertai ekspo itu menjadi pendedahan bagi mereka mempelajari cara mempromosi produk, bersaring dengan usahawan lain serta kaedah mempengaruhi

pelanggan dalam kalangan pelbagai lapisan masyarakat.

Malah, semua usahawan muda terbabit berhasrat meneruskan perniagaan mereka secara dalam talian.